







The image shows the front cover of an old book. The cover is decorated with a marbled paper pattern, specifically a 'stone' or 'shell' pattern, featuring irregular, rounded shapes in shades of grey, black, and reddish-brown. At the top center, there is a rectangular library label with a blue border and a white background. The label contains the text 'EX LIBRIS' in a small, blue, serif font, and below it, 'L. DUSSIEUX' in a larger, bold, blue, serif font. The book's spine is visible on the left side, showing some wear and the binding structure.


EX LIBRIS  
**L. DUSSIEUX**
































DOVBLE DE  
LA LETTRE  
ESCRITTE PAR  
MONSEIGNEVR LE  
Prince de Condé,  
A LA REYNE

*Regente mere du Roy , le 19. Fe-  
urier mil six cens quatorze.*

1855

F

39

LAURENCE

ESCHETTE

16/4 1855

MONSIEUR

LE

LAURENCE

LAURENCE

LAURENCE



## LETTRE DE MONSEIGNEVR

LE PRINCE,

ADAME,



toute mon affection a tousiours  
esté le seruice du Roy: & bien de  
cest estat. Je l'ay du viuant du feu  
Roy tesmoigné par mō absence  
necessitée (& depuis sa mort)  
par mon prompt retour prest de  
sa Majesté, cellant les desplaisirs  
que i'ay receus des desordres quel'on a veus assez  
frequents pour empescher les mouuemens desquels  
eust peu naistre la guerre que i'ay estimée si dāgereux  
se & nuisible à la minorité du Roy, Mōseigneur: que  
i'ay creu tous autres maux plus tollerables. Si bien  
que par la grace de Dieu, vostre bōté; & ma patiēce  
nous sommes en la quatriesme année de la minorité  
du Roy, dans laquelle nous recognoissons l'accrois-  
sement de si grandes confusions & pernicious de-  
sordres, que vostre susdicte bonté & nostre patience  
ne seroit assez forte pour empescher la ruïne & bou-  
leuersement de cest estat: prolongée iusques icy  
par des foibles & honteux remedes, s'il n'y estoit  
vertueusemēt & prudemment pourueu par l'aduis de  
plusieurs Princes Seigneurs Ecclesiastiques, Offi-  
ciers de la Couronne, & cours Souueraines.

Nous supplions treshumblement vostre Majesté

d'y pouruoir de remedes salutaires, à l'acquiêt du  
 deuoir à quoy & vous, & nous sommes obligez, à  
 Dieu, au Roy, & à la France. Supplication tres-iu-  
 ste que nous eussions faite nous mesmes deuant vo-  
 stre Majesté, n'eust esté que nous la voyons entour-  
 née & preoccupée de peu de gens qui veulent re-  
 gner dedans la confusion, seule cause de nostre de-  
 part, & non vostre Majesté, de laquelle sçauons les  
 loüables intentions de tant plus remarquables que  
 la verité vous a esté celée par ceux qui n'ont iustifi-  
 cation que d'auoir maintenu vn peu de repos. Dans  
 lequel ils nous ont tramé vn continuel trauail par  
 les confusions prodigalitez, perte d'honneur & de  
 reputation, ou ils ont prostitué tous les ordres  
 de ce Royaume, duquel ils auoient mesuré la du-  
 rée de leur vie, sans se soucier de ce qui aduiendroit  
 apres. Repos non prouenu de leur conduicte, ains  
 des bons François, qui amateurs de paix ont souf-  
 fert toutes maluersations & charge, plustost que de  
 susciter aucû trouble, non que tous ne vissent qu'ils  
 circonuenoiēt vostre Majesté: partissans l'admini-  
 stration de ce florissant Estat entre petit nombre de  
 personnes ayans pour tesmoins de leur foiblesse la  
 perte de la reputation de la France aux pays estran-  
 gers, & leurs desseins cachez qui en ce grand Estat  
 qui ne souloit rien craindre, deuoient estre sceus &  
 ouuerts; du moins aux princes & Officiers de la Cou-  
 ronne interessez en l'estat, lesquels ils n'ont rendus  
 participans des affaires qu'autant qu'il leur sembloit  
 necessaire, pour authotiser leurs deliberations,  
 apportant leur resolutions de leurs logis au  
 Cabinet, & n'en faisant iamais conclurre vne

seule en vostre presence à la pluralité des voix. Mais les courât du maintient de l'auctorité de vostre Majesté, duquel cabinet ils sortoient pour en dire leurs arrests aux Princes, n'ayans receu leurs aduis que par maniere d'acquies, tendans à susciter des enuies & diuisions entr'eux fauorisans les vns & reculans les autres, faisant deux parties pour en auoir l'une à leur deuotion. Artifices esprouuez si defastreux aux François, recommencez soudain apres le deceds du feu Roy que Dieu absolue, rejetés les salutaires aduis de feu monsieur de Mayenne, qu'il n'estoit iuste de profiter ou rançonner la minorité de nostre ieune Roy, qu'il ne falloit rien demander & seruir ainsi que nous estions obligez naturellement: Mais au contraire, intercessant plusieurs particuliers pour les auoir à leur deuotion. Ils ietterent l'Estat en des hazards tres-dagereux, contre toute formes vsitées aux minoritez des Roys, esquelles ont esté tousiours assemblez des Estats generaux si necessaires que les Roys les ont conuoquez en leur maioritez pour beaucoup moindres desordres que ceux d'apresent. Pleut à Dieu (Madame) qu'il m'eust cousté partie de mon sang, & que les eussiez assemblez incontinent apres le deceds du roy, vous fussiez en plus grâde & aussi iuste auctorité au gré de l'Eglise, noblesse, & Tiers Estat, la France n'eust perdu ce genereux nom d'Arbitre de la Chrestienté, acquis si glorieusement par le deffunct Roy. Tiltre qui tenoit la balance entre les deux grandes factions de l'Europe, protegeant la tranquillité publique: & ceste perte est d'autant plus grande & deplorable, qu'il semble que nous

soyons sortis du chemin que le feu Roy nous auoit  
 tracé. On n'eust pas razé la Citadelle de Bourg con-  
 tre l'aduis des Princes des officiers de la Couronne,  
 mesme de monsieur le Connestable. On n'eust pas  
 donné quatre cens mil liures, tant pour le razemēt  
 que pour recompense d'icelle. On n'eust pas preci-  
 pité le mariage du Roy, & de Mesdames ses sœurs,  
 auant que la loy de Dieu, la majorité du Roy &  
 tous les ordres, feussent aprouués. Lesdits maria-  
 ges eussent esté declarez au public, non par la le-  
 ctüre d'un escript contenant les raisons qu'on auoit  
 eues de les traiter: mais par demander aduis s'ils e-  
 stoient utiles a faire: Les Parlemens n'eussent esté  
 empeschés en leur libres functiōs de leurs Charges.  
 Les Gouuernemēs des prouinces & places importa-  
 ntes n'eussent esté données à personnes indignes  
 & incapables. On eust rasché a reunir les Ecclesia-  
 stiques & la Sorbonne, non à les diuiser & oprimer  
 par vaines disputes en ce temps inutiles. L'auctori-  
 té des Prelats & Ecclesiastiques n'eust esté violée,  
 ains maintenue en son entier. On n'eust donné au-  
 cune charge, ny par faueur ny par argent, l'aduis en  
 eust esté demandé aux Princes Pairs & Officiers de la  
 courōne, pour par vostre Majesté estre apres cōferé  
 à gens capables. Les Ambassadeurs n'eussent esté  
 choisis que par le mesme aduis, leurs instructions  
 n'eussent esté incogneues à tous ceux qui ont in-  
 terest au bien de l'Estat: Nulle despesche n'eust  
 esté receüe sans estre veüe & leüe en presence des  
 dessusdits; On n'eust point souffert les entreprises  
 faicte sur la Nauarre, & le Mōt ferrat, ny moins eust  
 esté empesché le renouuellement de la Ligue entre

les Veniciens, & les Grisons, On n'eust rōpu le traité du Mariage proiecté par le feu Roy avec Monsieur de Sauoye, & depuis sa mort confirmé sans meure deliberation & par vne entiere obseruation des Edits de ceux de la religion pretendue reformee on leur eust osté tout subiect de plainte: On eust reprimé ceux d'entr'eux, qui eussent passé les limites de leur deuoir, l'on n'eust semé entr'eux des diuisions, qui leur faisant songer à leur particulier ont failly à ietter le public de l'estat en peril, l'on n'eust donné cēt mil escus pour l'achapt d'Amboise, payant de l'argent du Roy les places de sa Majesté, on eust retranché tant de dons immances à personnes indignes ce peu de persōnes ne se feut attribué, les principales charges de l'Estat, sans l'aduis d'aucun Prince, ny d'Officiers susdits: Ces Estats ou le Conseil vous eussent releuée de tant d'importunittez, se chargeant de l'ēuie & vous de benedictions.

Vostre Majesté considerera, s'il luy plaist, les desordres susdits, & les suiuan, & par iceux iugera la necessité d'assembler les Estats generaux, leurs & libre, le chastiment des meschans, & la recompence des bōs, le soustien des Monarchies bien ordonnées peruerties, donnent assez à cognoistre le danger de ce Royaume. Tous les Offices de iudicature, & des finances sont montez à pris excessifs, il ne reste plus de recompence pour la vertu. Puis que la faueur, alliance, parenté & argent ont tout pouuoir, & que les finances sont de telle façon profusées que les cent mil pistolles ne coustēt rien, mesmes sont employees en choses de neant, & à gēs qui s'ērichissent sās travail du sang du peuple.

Les plaintes, clameurs & larmes des trois Estats, couuent en leur cœur vn feu caché, l'Eglise n'a plus sa splendeur: nul Ecclesiastique n'est plus employé aux ambassades; n'y n'a son rang au Conseil, les beneficiers sont surtaxez de charges & vexations inouïes la Noblesse appauurie par tailles & impositions du sel? commissions extraordinaires pour auoir de l'argët, toutes leurs denrées sont douanées, tous leurs tiltres bien que perdus & bruslez, sont recherchés, la Noblesse soustient de la France, terreur des estrangers maistresse de la campagne & vaincresse des batailles, qui reestablit les Sceptres, & releue les Couronnes, est maintenant taillée, bannie des offices de iudicature & de finances, faute d'argent, leur vie & leurs biens en puissance d'autrui priuée de la paye des hommes d'armes & archers anciennement entretenus, & maintenant esclaués de leurs creanciers, le peuple lamente les charges qu'on trouuerra redoublées par vne quantité de commissions extraordinaires depuis la mort du feu Roy: Il faut que tout tombe sur les pauvres, pour les gages des riches: Les commissions & les Editz qui auroient esté reuocquez ou surcis incontinent apres la mort du feu Roy, ont esté remis & augmentez: Les Princes & Officiers de la Couronne, auxquels le feu Roy auoir toute fiance, ont esté esloignez, & maltraitez, l'on me rend presque par les discours qui courent, & tous les Princes & Officiers de la Couronne qui me font l'honneur de conuenir avec moy, en mesme aduis comme perturbateurs du repos public. On tient Conseil d'arrester des principaux Princes & Officiers de la Couronne

ronne, bien que sans crime, ce qui paroist auoir esté  
deliberé contre la personne de Monsieur de  
Bouillon, le refus faict à Monsieur de Longuo-  
uille d'aller exercer sa charge en son gouuernemēt,  
monstre assez la continuation de leur violence, &  
ce qui a esté executé en la personne de Monsieur de  
Vendosme, lequel sans considerer ce qu'il est au  
Roy, l'amitié particulière que le feu Roy luy por-  
toit, non accusé innocent de tout crime, sans aucu-  
ne forme de Iustice, sans aduis d'aucun grand de ce  
Royaume, on a retenu prisonnier: Ce qui est in-  
uisité en France singulierement, durant la minori-  
té du Roy, ce que nous croyons n'auoir esté faict  
par aucun mauuais naturel de vostre Majesté, ny  
desir de faire iniustice: c'est pourquoy, nous la sup-  
plions tres-humblement le vouloir faire deliurer,  
afin que continuât à bien seruir la Majesté & l'Estat,  
il luy monstre par bons effects, comme il a fait, jus-  
ques icy n'auoir eu iamais aucune mauuaile inten-  
tion contre son seruice: On veut persuader à vostre  
Majesté des'armer, on prend pour pretexte nostre  
absence.

Considérez, madame, que nous procedons par  
tres-humbles requestes, supplications & remon-  
trances, & non à main armée, & quelles maledic-  
tions la France donnera à ceux qui troublans le  
repos de c'est Estat & tranquillité, acquise par la ver-  
tu du deffunct Roy, mettront les premiers les ar-  
mes à la main: Toute la France ne respire que la  
paix, & vne paisible & iuste reformatiō de c'est Estat  
sera il donc dict (madame) que les mauuais Conseils  
quel on vous donne, vous portent à emprisonner

les presens & a armer contre les absens, qui procurent vne si sainte refformation, & sont si fidelles seruiteurs du Roy, & de l'Estat, vous donnant par ce moyen vn si ample subiect de gloire.

10. Cōsiderez ma lettre (madame) & vo<sup>z</sup> ny trouueriez rien de nos interets particuliers, ny à nos intentions presentes ny a l'aduenir: vous ne pouuez trouuer mauuais, si plusieurs vous supplient d'vne mesme chose, & tous la desirent: Obligez par leur deuoir, & par l'amitié qu'ils ont contractee par vostre commandement pour pouruoir à tous les accidens cy dessus representez.

11. Je supplie tres-humblement vostre Mejesté, de l'adujs de plusieurs Princes, Ducs, Pairs, Officiers de la Couronne, Cours Souueraines, Ecclesiastiques, & autres Seigneurs, tant presens qu'absens qui ont veu & aprouué la presente supplicatiō, d'accorder l'asēblee des Estats generaux libres & seurs dans trois mois au plus tard: & ce pendant retenir toutes les choses en estat pacifique, protestant de de nostre part, que nous n'auons desir que pour la conseruation de la paix & bien de cet Estat, & que nous n'attenterons au contraire, si par vne precipitée resolution de nos ennemis, de ceux qui se couurent du manteau de l'Estat sous vostre auctorité, nous ne sommes prouocquez a repousser leurs iniures faictes au Roy, & à l'estat, par vne naturelle, iuste & necessaire deffence.

12. Supplications très-humble, que ie fais en qualité de premier Prince du Sang, en l'Estat que ie suis, & sans armes, non ainsi que ceux qui pour profiter de telles assembles se faisoient des villes, armoient

13. Je supplie tres-humblement vostre Mejesté, de l'adujs de plusieurs Princes, Ducs, Pairs, Officiers de la Couronne, Cours Souueraines, Ecclesiastiques, & autres Seigneurs, tant presens qu'absens qui ont veu & aprouué la presente supplicatiō, d'accorder l'asēblee des Estats generaux libres & seurs dans trois mois au plus tard: & ce pendant retenir toutes les choses en estat pacifique, protestant de de nostre part, que nous n'auons desir que pour la conseruation de la paix & bien de cet Estat, & que nous n'attenterons au contraire, si par vne precipitée resolution de nos ennemis, de ceux qui se couurent du manteau de l'Estat sous vostre auctorité, nous ne sommes prouocquez a repousser leurs iniures faictes au Roy, & à l'estat, par vne naturelle, iuste & necessaire deffence.

le peuple & les estrangers, faisoient guerre & paix à leur profit pour vne lieutenance generale, gouuernemēt des Prouinces & des places, puis aydoient à éluder l'assemblée, sans se soucier de la publique reformation.

Nous supplions aussi treshumblemēt vostre Maieſté suspendre l'execution du mariage rant du Roy, que de mesdames ses Sœurs, iusques à l'assemblée desdits Estats: Et pour monſtrer que nostre particulier n'a nul pouuoir sur nous, Nous remettons au Roy, en l'assemblée desdits Estats libres & ſeur toutes nos pensions & gratifications ſi la neceſſité de ſes affaires le requiert contre les calomnies de ceux qui nous accusent qu'il n'y alloit que de nostre particulier, que nous preferions au public, Medifance de ceux qu'on dit aymer mieux mettre le feu au milieu de ce Royaume, que voir leur autorité eſteinte, Authorité pernicieuſe qui ſera renuerſee par nostre iuſte & bon Roy. Auquel nous supplions tres-humblement vostre maieſté vouloir faire donner bonne inſtruction, & luy oſter les conſeils de toute partialitez qui luy ſont donnez contre ceux qui ont l'honneur d'eſtre ſes plus proches & ſes plus fideles ſuiets & ſeruiteurs, & pour ſon contentement r'appeller le Cheualier de Vandoſme tenir pres ſa Maieſté pour le ſoin de ſa ſanté, perſonne vie, religion & probité requiſe & cogneuë.

Nous supplions aussi tres-humblement vostre Maieſté vouloir pouruoir aux Gouverneurs des places frontieres des deniers ſuffiſans pour vacquer à la conſeruation des places qu'ils ont en garde, Nous recognoiſſons nostre Roy nous eſtre donnée

de Dieu, nous scauons l'obeyssance que nous luy deuons, & n'y manquerons d'un seul point. Nous esperons aussi que tous les Princes Officiers de la Couronne, grands Cours souueraines, Ecclesiastiques & Seigneurs qui sont prests de vostre Maiesté se iointront à mesme desir, & auront tous ensemble preparé à vostre maiesté, le chemin, l'honneur, & la gloire d'auoir restabli tous les ordres de ce Royaume en leur premiere splendeur & liberté, reformé ce Royaume & rassuré leur repos avec autant de los que si vous en auiez acquis vn autre, Respondans genereusement à ceux qui disent les Estats diminuer l'autorité du Roy? que vous l'aurez affermi & rédu pér durable, Nous vous voulons seruir & assister ausdits Estats ainsi qu'il sera recognu vtile au seruice du Roy à la France, & à la conseruation de l'autorité Royale, & de celle de vostre maiesté estans ses tres-humbles seruiteurs & en particulier ie la supplie tres-humblement de croire que ie suis,

MADAME,

Vostre tres-humble & tres-obeyssant seruiteur & subiet HENRY  
DE BOYRBOY.

De Mesieres le 19.

Februar, 1614.

29  
*Lettre de Monsieur le Prince, au Parlement de Paris, présentée par le sieur de Fieffbrun, le 22. Feurier 1614*

**M**essieurs ie sçay que lon preuiendra mes iustes intentions de beaucoup de calomnies & faux bruits tous contraires (ie m'aseure) a l'opinion que vous en prendrez comme m'ayant aussi pratiqué & recongnu que craignant d'alterer quelque chose par mes resolutions que iay eües au seruice du Roy & bien de l'estat, i'ay retenu mes iustes ressentimens & les ay comme enseuelis par ma patience : Mais encores vous en veux-ie mieux éclaircir, & rēdre cōme conte de mes actions, à vous di-je que ie recongnois estre la principale tutrice de c'est estat. C'est pourquoy ie vous enuoye la coppie de la lettre que i'escris à la Royne, par ou i'expose entierement les sainctes affections quy mont meu à me retirer de la Cour pœur ne communiquer aux abus qui si cōmette par ceux pui manient & disposent des affaires du Roy & de l'estat, en demandant la reformatiō avec tres-iuste supplicatiō à la Royne luy en proposant le remede & requerant comme premier Prince du sang suiet du Roy, & qui à le principal interest au bien du seruice de sa Maïeste,

N'ayant pour toutes armes que mes  
tres humbles prieres à sa Maiesté, comme  
vous le verrez par la coppie que ie vous en-  
uoye vous suppliant humblement: Messie-  
urs de nous assister de vos conseils & au-  
thoritez en vne si loüable & raisonnable en-  
treprise, comme les plus considerables au  
seruice du Roy & reformatiõ de l'Estat, Ce  
faisant vous vous acquiterez du deu de vos  
charges & acquerrez gloire & reputation,  
demeurant  
Messieurs,

*Vostre tres-humble & tres  
afectionné seruiteur,*

HENRY DE BOVRBON.

*De mezieres ce 18 Feurier 1614.*

LETTRE DE MONSIEVR DE  
NEVERS  
A LA ROYNE.

MADAME.

**M** J'ay desia dõne aduis á vostre Maiesté,  
de la rebellion qui auoit esté faicte contre  
l'autorité du Roy, par ceux de la Citadel-  
le de cette ville: Maintenant ie luy donne  
celuy de l'obeissãce que ie luy ay faict rēdre  
estans sortis, & me l'ayant remise entre les  
maïs: A la feureté de laquelle i'ay pourueu

pour y estre vostre Maïesté obeïe, ainsi  
 qu'elle le peut esperer de moy, estimant  
 qu'elle mettra en cōsideratiō la desobeïssā-  
 ce qui ma esté rendue par le Marquis de la  
 Vieuille, & la charge qu'il a pleu au Roy me  
 donner en ceste Prouince. Cest exemple  
 pouuant tirer vne consequēce commune &  
 generale à tous les Gouverneurs de ce  
 Royaume. Je supplie tres-humblement  
 vostre Maïesté, Madame, en vouloir cōma-  
 der la Iustice telle que l'estimerez necessari-  
 re pour garder l'autorité du Roy, & en la  
 quelle ie puisse trouuer le cōtētemēt que  
 vostre Maïesté mesme iugera raisonnable.  
 veu que ceste ville est soubs ma charge, & à  
 moy qui red mon resētēmēt d'autant plus  
 cōsiderable. A quoy ie supplie vostre Maïesté  
 d'auoir esgard, & de croire que ie suis.  
 Vostre tres-humble & tres-obeïssant seruiteur & subiect.

NEVER S

*Lettre de monsieur le Prince de conde à monsieur le  
 Prince de Conty.*

**M**onsieur Ie ne sçauois assez regretter  
 que vostre sancté soit vn iuste empes-  
 chement à ne vous voir selō vostre courage

affectionné au seruice du Roy, par vostre  
 Prince, à ce qui est de nos Scincerres inten-  
 tions, dont par l'euoy de ce Gétil-homme  
 & coppie de la lettre que i'escris à la Royne  
 Vous congnoistrez la verité. Je vous supplie  
 donc (comme estant du sang Royal) cōme  
 proche du Roy, interressé à l'Estat, & mon  
 seul oncle secōder, ou vostre indisposition  
 vous retient nos iustes desains, tendant  
 sans armes à la reformation de l'Estat. Sur-  
 quoy l'ō arme nō pour sauuer l'Estat : Mais  
 pour conseruer l'ambition de ceux qui sont  
 causes de ses desordres. Aydez aussi, ie vous  
 supplie par vostre couragense intercession,  
 à la deliurance de monsieur de Vendōisme  
 & à la correction des desordres, par vne as-  
 semblée d'Estat, que ie requiers à sa Maïeste  
 Aquoy ie vous supplie vous ioindre, Vous  
 suppliant me tenir à iamais,

Vostre bien humble Nepueu & seruiteur,  
 HENRY DE BOVRBON.

De Mezieres ce 1<sup>8</sup>. Feurier 1614.

